

卷四十六

書名 大學衍義
 補一百六十卷首一卷目二卷
 正德元年刊本
 撰者 明 丘濬 撰
 卷 卷四十六
 內容分類 子-儒家-議論經濟-明
 索書號 大木-總類-政論-諸子-45
 編號 C4491800

[彩色首頁1](#)

[東洋文化研究所漢籍目錄 編號 C4491800](#)

[東洋文化研究所漢籍目錄所藏漢籍善本全文影像資料庫 索書號: 大木-總類-政論-諸子-45](#)

[漢籍善本全文影像資料庫文本 大學衍義補一百六十卷首一卷目二卷 正德元年刊本](#)

版權所有: 東京大學 東洋文化研究所
 使用上的注意事項

大學衍義補卷第一

治國平天下之要

正朝廷

總論朝廷之政

按宋儒真德秀大學衍義格物致知之
 要既有所謂審治體者矣而此治國平天
 下之要又有正朝廷而總論朝廷之政何
 也蓋前之所審者治平之體言其理也此
 論者治平之政言其事也一主於知
 於行蓋必知於前而後能行於後後

間以來事例詳加講究隱括節潤畫為圖式
於兩長安門用以表正百官觀示列辟俾人人
知所趨辟世世得以遵守永為定制云朝儀上
以上王朝之禮上

衍義補卷第四十六

明禮樂

王朝之禮中

漢書高祖七年長樂宮成諸侯群臣朝十月漢初以

正儀叙下先平明謁者治禮引以次入殿門廷中陳

車騎戍卒衛官設兵張旗幟傳曰趨傳聲教入殿下

郎中俠陛陛數百人功臣列侯諸將軍軍吏以次陳

西方東鄉文官丞相以下陳東方西鄉大行設九賓

公侯伯子男臚上傳告下傳於是皇帝輦出房百

官執戟傳警傳聲而引諸侯王以下至吏六百石以

次奉賀自諸侯王以下莫不振恐肅敬。至禮畢盡伏

臣按此後世歲首行朝賀禮之始漢承秦制以

十月為歲首故也。武帝始行夏正而以正月為

歲首然朝賀之禮則仍其舊用十月焉。至後漢

始命行朝會禮於正月。此禮三代以前雖未有

其制然歲序更端之始萬物以新而凡為臣子

者畢來朝會以致其履端之慶亦義之當然也。

晉書禮志云。魏晉東至日受方國及百僚稱賀因小

會其儀亞於獻歲之日。

臣按此後世冬至行朝賀禮之始蔡邕獨斷曰

冬至陽氣起居道長故賀夏至陰氣起居道衰

故不賀宋人於五月朔亦賀非是

唐書玄宗以帝生日為千秋節

臣按此後世人君以始生日為節而表賀之始

此前代每一君為一節如宋太祖為長春節太

宗為乾明節之類我朝

列聖一以萬壽聖節為名未有易也。竊惟今日承

前代故事為三大節元旦冬至

聖誕是也。前代惟至日行禮未有先期習儀者有

之始自我

朝蓋以此禮雖非唐虞三代之制然臣子所以致敬

君上而敦其水木本源之心以致其祝頌補報之願者於是乎在苟群聚於一時而不豫習於先日則不免臨期參差失誤故凡遇三大朝若內若外先期上日於寺觀演習者謹之至也謹之至以其禮之大以上朝賀禮

虞書群后四朝敷奏

也進

以言明試以功車服以庸

民功

庸曰

朱熹曰五載之內天子巡狩者一諸侯來朝者四

並巡守之明年則東方諸侯來朝于天子之國又明年則南方之諸侯來朝又明年則西方之諸侯來朝又明年則北方之諸侯來朝又明年則天子復巡守

程頤曰敷奏以言者使各陳其為治之說言之善者則從而明考其功有功則賜車服以旌異之其言不善則亦有以告飭之也

臣按有虞之世巡守之年四方諸侯隨地各朝

于方岳巡守之後四方諸侯分年各朝於京師蓋是時封建之制行諸侯世守其國恐其歲月

易流人心易懈。上下易隔。故其為制如此。若夫
罷侯置守之後。任用不久。遷補無常。因時制宜
惟可行三年朝覲之典。三考黜陟之法焉。

本朝雖無虞朝群后四朝之制。然三年朝覲三
考黜陟。蓋得有虞之意。於千載之下也。

周禮大行人。主賓客之官。掌大賓之禮。及大客之儀。以親

諸侯。春朝諸侯而圖天下之事。圖其可否。秋覲以比邦國

之功。此其高下。夏宗以陳天下之模。謀有是非。冬遇以協諸侯

之慮。慮有異同。時會以發四方之禁。無常時也。殷同以施天

下之政。衆見日同。時聘以結諸侯之好。時聘日問。殷頌以

除邦國之慝。除其惡慝。問問以諭諸侯之志。問歲歸

服以交諸侯之福。分祭祀之財。賀慶以贊諸侯之喜。

有喜慶事則慶賀之。致禴以補諸侯之裁。裁則補助之

臣按先儒有言君臣之禮不可以不接。不接則

上恩不下。流下情不上。達嫌疑易以生。毀譽易

以入。易天地不交則否。彘進而上行則錫馬蕃

庶。畫日三接也。先王知其如此。故制諸侯之朝

以之圖事。此功陳謨。協慮發禁。施政則言。何以

不見納。行何以不見知。姦邪何以介其姦。左右

何以塞其路。漢刺史奏事京師。其亦知此意歟。

粵自秦罷侯置守。此禮不復講。然後世所謂部
使者監司守令。即古者諸侯也。其制雖不可卒
復。其意則不可以不存。蓋天子奉天命以治天
之民。所以致天子之命而施之民者。監司守令
也。分雖懸絕。而心則不可以不親親之。為言親
暱恩愛之謂也。古者天子制為是禮。以親當世
之諸侯。世異勢殊。其禮雖不能一一行之於今
。然能即前日所以親諸侯之心。以為今日所以
親監司守令之禮。千古猶一日也。大行人所掌
者。朝覲宗遇會同六者。諸侯之覲於王者也。間

問歸賚賀慶致禮。四者。天子致愛於諸侯者也。
諸侯以禮致其敬。天子以仁致其愛。尊卑之意
通上下之誠。達尚何猜疑。間二之為患哉。先王
所以親諸侯也。如此。後世人主其尚體古人親
諸侯之心。以親今日監司守令乎。

禮記。天子當依社而立。諸侯北面而見天子曰覲。天
子當宁而立。諸公東面。諸侯西面。曰朝。

鄭玄曰。依。狀如屏風。以絳為質。高八尺。東西當戶
牖之間。繡為斧文。亦曰斧扆。天子見諸侯則依而
立。負之而南面。以對諸侯也。宁者。門屏之間。謂之

寧人君視朝所寧立處蓋竚立以待諸侯之至
游桂曰禮不可一端盡也不有君臣相臨之禮則
無以見大君之尊不有賓主相與之禮則無以見
同姓異姓親親之恩夫諸侯之中有伯父焉有叔
父焉有伯舅焉有叔舅焉有兄弟焉有昏姻焉三
王家天下所恃以為天下者不獨恃其形勢也天
子以親親之恩而臨諸侯諸侯亦以親親之恩而
報天子上下和睦同獎一姓所以數百年長久安
寧而無患由此之故且尊卑之分不統於一聖人
固以為不可天子之尊諸侯之卑其自然之分固

也然諸父兄弟舅甥昏姻相去之遠而久不相見
於其來朝忘親親之恩專以分臨之聖人之心無
乃有所不安於此此親親之恩賓主之禮所以行
於春朝而異於覲禮之受於廟而臣皆北面也此
三代之至文聖人代諸侯之禮備矣

臣按三代之時封建諸侯以分治其民其所以
分土而為諸侯者非王室懿親則有功之臣及
前代之後也自秦罷侯置令列為郡縣之制歷
代分封宗室及有勲庸之臣多無分地其間親
王固有之國者然亦有不出國門者焉我

太祖分封親藩以大國雖有分地而無分民其制雖不盡合於周然斟酌漢唐之制最得其中制為禮儀凡親王來朝在外廷則行君臣禮於便殿則行家人禮既有以尚親親之恩又有以存君臣之義蓋得三代所以待諸侯之禮若前代專用君臣禮則過於無恩專用親親禮則過於無義皆非中道也以上諸侯來朝禮

周禮大宗伯以飲食之禮親宗族兄弟以饗燕之禮親四方之賓客

鄭玄曰親者使之相親人君有食宗族飲食之禮

所以親之也文王世子曰族食世降一等大傳曰繫之以姓而分別綴之以食而弗殊百世而昏姻不通者周道然也

王安石曰宗族兄弟飲食之而已致其愛故也四方賓客則有饗燕之禮致其敬故也

臣按燕饗之禮不同饗以訓恭儉燕以示慈惠然皆所以飲食之也

大行人以九儀辨諸侯之命等諸侯之爵以同邦國之禮而待其待客上公之禮饗禮九獻食禮九舉諸侯之禮饗禮七獻食禮七舉諸伯如諸侯之禮子男

饗禮五獻。食禮五舉。

鄭玄曰。九儀謂命者五。公侯伯子男也。爵者四。孤卿大夫士也。

吳澂曰。饗禮者。設盛禮以飲賓也。公九獻。侯伯七獻。子男五獻。食禮者。以飲為主也。舉者。一曰舉牲體也。一曰舉樂也。公九舉。侯伯七舉。子男五舉。

掌客。掌四方賓客之牢禮餼。獻飲食之等數。與其政治。王合諸侯而饗。禮則具十有二牢。庶具百物。備諸侯長。謂上公九。命作伯者十。有再獻。

賈公彥曰。魯哀公七年。吳來澂百牢。子服景伯討。

曰。周之王也。制禮上物。不過十二。以為天之大數也。上公以九為節。則十二者。是王禮之數。

臣按。一者。天子之於賓客。有饗有燕。饗在朝。燕在寢。饗重而燕輕。饗則君親獻。燕則不親獻。

詩序曰。鹿鳴。燕群臣嘉賓也。既飲食之。又實幣帛。筐篚。以將其後意。然後忠臣嘉賓。得盡其心矣。

朱熹曰。雅者。正也。正小雅。燕享之樂也。歡忻和悅。以盡群下之情。鹿鳴。燕饗賓客之詩也。蓋君臣之

分。以嚴為主。朝廷之禮。以敬為主。然一於嚴。敬則情或不通。而無以盡其忠告之益。故先王因其敬。

食聚會而制為燕饗之禮以通上下之情而其樂歌又以鹿鳴起興而言其禮意之厚如此庶乎人之好我而示我以大道也。記曰私惠不歸德。君子不自留焉。蓋其所望於群臣嘉賓者唯在於示我以大道則必不以私惠為德而自留矣。嗚呼此其所以和樂而不淫也與。

范祖禹曰食之以禮樂之以樂將之以實求之以誠此所以得其心也。賢者豈以飲食弊帛為悅哉。夫昏姻不備則貞女不行也。禮樂不備則賢者不處也。賢者不處則豈得樂而盡其心乎。

鹿食苹則相呼呦呦焉而樂君臣賓主之相樂亦猶是也。

臣按易言天地交而為泰觀鹿鳴諸詩天子所以燕饗其臣者如此此泰和之治所以後世不能及歟。

四牡勞使臣之來也。

朱熹曰此勞使臣之詩也。夫君之使臣臣之事君禮也。故為臣者奔走為王事特以盡其職分之所當為而已何敢自以為勞哉。然君之心則不敢以是而自安也。故燕饗之際叙其情而閔其勞言駕

此四牡而出使於外。其道路之回遠如此。當是時豈不思歸乎。特以王事不可以不堅固。不敢徇私以廢公。是以內顧而傷悲也。臣勞於事而不自言。君探其情而代之言。上下之間可謂各盡其道矣。范祖禹曰。臣之事上也。必先公而後私。君之勞臣也。必先恩而後義。

皇皇者華。君遣使臣也。

朱熹曰。此遣使臣之詩也。君之使臣。固欲其宣上德而達下情。而臣之受命。亦惟恐其無以副君之意也。

兼燕兄弟也。

毛萇曰。常棣之木。衆華俱發。實譚譚而光明。故興兄弟。

朱熹曰。此燕兄弟之樂歌。故言常棣之華。則其鄂然而外見者。豈不譚譚乎。凡今之人。則豈有如兄弟者乎。

呂祖謙曰。踈其所親而親其所踈。此失其本心者也。故此詩反覆言朋友之不如兄弟。蓋示之以親踈之分。使之反循其本也。

伐木燕朋友。故舊也。自天子至於庶人。未有不須友。

以成者親親以睦友賢不棄不遺故舊則民德歸厚矣其末章曰伐木于阪醴酒以茅泚有衍也多籩豆有踐陳列兄弟無遠言皆在也民之失德乾餱薄食之以愆過也有酒滑也亦醴也我無酒酤買也我坎坎鼓我蹲蹲舞我迨我暇矣飲此滑矣

朱熹曰此燕朋友故舊之樂歌末章言人之所以至於失朋友之義者非必有大故或但以乾餱之薄不以分人而至於有愆耳故我於朋友不計有無但及閑暇則飲酒以相樂也

臣按此詩可見人君之於其臣下非但有燕

享若夫閑暇之時其於諸侯諸舅朋友故舊亦必有燕飲以篤其恩義云

天保下報上也

古註曰鹿鳴至伐木皆君所以下其臣臣亦歸美于上崇君之尊而福祿之以答其歌

朱熹曰人君以鹿鳴以下五詩燕其臣臣受賜者歌此詩以答其君言天之安定我君使之獲福也王安石曰君恩至重臣雖有大馬之勞不足以上答故惟稱其福祿以報之此出於惟心而不強以為者也

朱熹曰。當是時。君以鹿鳴四牡。皇華燕群臣。以常
棗燕兄弟。以代木燕朋友。而臣之所以答其君者。
如此。君燕其臣。臣媚其君。此所以上下交德。業成
而均享盛大悠久之福也。與

臣按古者人君以嘉禮賓之者。有四焉。宗族兄
弟也。朋友故舊也。孤卿大夫士也。公侯伯子男
也。其禮之行也。有饗。有燕。有食。有燕。然其燕
也。有因祭而饗。有因勞而勞。有因閑暇而會。所
謂饗者。享太牢。以飲賓。凡設而不倚爵。盈而不
飲。以訓恭儉也。食者。是為饗。禮之中。舉樂以

牲體焉。燕則異於饗。食之。禮示以慈惠。其樂
筭也。取其驩而已。其爵無筭也。取其醉而已。至
若中庸田。燕毛。所以茅齒。坊記曰。因其酒肉聚
其宗族。以教民睦。則是祭畢而燕。四牡皇皇者。
華所歌。則是因勞而勞。伐木之亂。所謂造我暇
矣。飲此階矣。則是因閑暇而時會也。噫。三代盛
時。上下之情。相親相愛。有如此者。後世人主之
於臣下。以勢臨之而已。以利啗之而已。以法驅
之而已。無復三代和合親比氣象。所凡其以歲
時燕饗之者。一惟按故事而始為之。禮焉。直若

夫朝夕所以相與燕好而飲食者不出乎宮闈
永巷之中左右便辟使令之人治欲復古得乎

蓼蕭詩之首章曰蓼長大貌彼蕭艾也斯零露漙漙漙漙然貌

芳既見君子指諸侯言我心寫輪芳燕謂燕飲笑語芳是

以有譽善言也處安樂也芳

朱熹曰諸侯朝于天子天子與之燕以示慈惠故

歌此詩言蓼彼蕭斯則零露漙漙然矣既見君子則

我心輸寫而無留恨矣是以燕笑語而有譽也

其曰既見蓋於其初燕而歌之也

臣按先儒謂諸侯來朝天子天子見之而得以

輸寫其心而無所留隱相與燕飲笑語和悅則

上下可以保有聲譽與和樂也苟上之於下也有

所疑而不敢盡其情下之於上也有所畏而不

敢申其意則是上下不交否之時也禍端亂萌

皆由于此尚何保有其安樂于是久乎

湛露天子燕諸侯也其詩曰湛湛露盛貌露斯匪陽不

晞乾也厭厭安久足也夜飲私不醉無歸湛、露斯在彼豐

茂草厭、夜飲在宗宗室露載考成也在宗室湛、

露斯在彼杞棘顯明允信君子指諸侯莫不令善德也

其相其椅其實離離重豈第君子莫不令儀

朱熹曰此亦天子燕諸侯之詩言湛、露斯非日則不晞以興厭、夜飲不醉則不歸蓋於其夜飲之終而歌之也令德謂其飲多而不亂德足以將之也令儀言醉而不喪其威儀也

臣按先儒謂此詩前两章厭、夜飲所以通其情之相親也後兩章言令德令儀又美其德將而無醉也是詩盖于褒美之中而寓規戒之意

左傳昭公五年楚遠啓疆曰聖王務行禮朝聘有珪享也瓚見有璋小有述職諸侯適天子大有巡功天子設機而不倚爵盈而不飲言禮務宴有好貨餐有倍也加鼎

入有郊勞出有贈賄禮之至也

臣按設機而不倚爵盈而不飲即聘儀所謂酒清人渴而不敢飲肉乾人飢而不敢食也宴有好貨即詩序所謂鹿鳴燕群臣嘉賓既飲食之又實幣帛筐篚以將其厚意也古者人君之於臣下有享禮以嚴其分有燕禮以通其情此上下所以交而為泰也歟

漢高祖長樂宮成諸侯群臣皆朝賀禮畢置法酒猶禮酌不飲至醉諸侍坐殿上皆伏抑首也抑屈以尊卑次起上壽觴九行謁者言罷酒御史執法舉不如儀者

臣按此後世天朝賀宴會之禮所由起自漢行
歲首慶賀禮魏晉以後又有賀冬至禮唐中葉
又有所謂賀生日禮皆於是日行禮畢設大宴
以享百官我

朝禮儀視前代為備文臣四品以上及諸學士
武臣都督以上皆^宴殿上宴經筵官及翰林講讀
官尚寶卿六科都給事中暨文臣五品堂上官
武臣都指揮以上官宴中左中右門翰林院中
書舍人左右春坊御史欽天監大醫院鴻臚寺
官及五品以上陪祀官宴于丹墀是日行禮畢

宴官更表立殿外俟

三升座樂作入拜進花進酒跪俟

上飲訖乃起即席簪花啐酒酒凡九進湯五進

臣則殺其二每歲三大朝賀及

郊祀禮成行慶成禮凡四舉焉遇有故則賜鈔

以代宴惟

慶成則否

臣

竊以謂正旦長至遇故免宴可也

惟

萬壽聖節夫下藩服重臣親齋

表賀有自萬里而來者無不望一霑醉酒飽德

之恩請命禮官舉行之

宋志宴饗之設所以訓恭儉示惠慈也宋制常以春秋之季仲月及誕聖節郊祀藉田禮畢巡幸還京凡國有大慶皆大宴群臣於集英殿次宴紫宸殿小宴垂拱殿有司預於殿庭設山樓排場為群仙隊仗六番進貢九龍五鳳之狀宰相率百官入宣徽閣門通唱致辭謝宰相升殿進酒各就坐酒九行或五行每上舉酒群臣立侍以宰相次百官舉酒或傳旨命曲宴多或上壽更衣賜花曲宴七行醜即皆播笏起飲再拜不拜在其郊祀藉田禮畢皆設大宴上元觀灯及苑囿也

亦常以暮春朝近臣賞花釣魚於苑中其或兩府使相赴鎮還朝咸賜宴

臣按此宋朝賜宴之儀臣聞

國朝洪武永樂宣德中時有賜宴近年以來雖三大朝賀蓋久不舉而所謂曲宴者益稽闊矣竊惟一張一弛文武之道人臣終歲勤劬職業幸而得一日醉飽之歡是乃君上莫大之恩澤古之人君所以致其臣庶竭忠盡力以至於殉國以身此亦其一機也但不可施諸非其人而流於褻耳

宋太宗時直史館陳靖言古之宴饗者所以省禍福而觀威儀也故宴以禮成賓以賢序風雅之作茲為盛焉伏見內殿賜宴群臣拜舞方畢趨馳就席品列之序糾紛無別及至尊舉爵群臣起立先後不整俯仰失節欲望令有司預依品位告諭其有踰越班次拜起失節喧譁者並令糾舉

至道中御史中丞李昌齡言廣宴之設以均飫賜供事禁庭當定員數籍姓名以謹其出入酒殺之司或虧精潔望分命中使巡察從之

真宗咸平三年學士梁顥請以春秋大宴小宴賞其

臣按人君賜宴於臣人臣受宴於君非徒飲之食之而已也內則以廣恩惠外則以觀威儀施恩者固當以禮受賜者尤當以敬苟進退拜起之無節固臣之罪矣若夫酒殺之或虧精潔禮度之或至簡略亦豈人君禮待其下之道哉李昌齡請命中使巡察梁顥請以所宴為圖在

今日亦所宜行焉以上燕饗

虞書歲二月當巡守之東巡狩至于岱宗秦柴燔柴祀天

望皇川秩牲弊祝于山川肆覲東后東方諸侯協時四月

大學衍義補卷四十一
月之正日甲乙之同律律二度分寸量斗斛合升衡銖兩

石脩五禮吉凶軍五玉圭璧三帛黼玄二生羔一死

推贊所執以如同五器卒畢也乃復五月南巡

守至于南岳衡山如岱禮八月西巡守至于西岳嶧山如

初十有一月朔巡守至于北岳恒山如西禮歸格也至于

藝祖即文用特牛五載一巡守

朱熹曰卒乃復者舉祀禮覲諸侯一正朔同制度

脩五禮如五器數事皆畢則不復東行而遂西向

且轉而南行故曰卒乃復二月東五月南八月西

十一月北各以其時也古者君將出必告于祖廟

歸又至其廟而告之孝子不忍死其親出告及面

之義也

呂祖謙田巡守而歸苟民物有一不得其所其見

祖廟有愧必矣想舜歸格之時此心無愧對越在

廟慰愜可知也

臣按先儒有言巡守所以維持封建後世罷封

建以為群縣之制萬方一國四海一家如肢體

之分布如心手之相應萬里如在殿廷州縣如

在輦轂挈其領而裘隨舉其綱而網順政不必

屈

九重之尊。千乘萬騎之禁衛。百司庶府之扈從。以勞民而傷財也。苟慮事久而弊生。而欲有以考察而振作之。遣一介之臣。付方尺之詔。璽書所至。如帝親行。天遠不遠。天顏咫尺。孰敢懈怠哉。然則帝舜巡守。非歟。臣故曰。巡守所以維持封建也。

大行人十有二歲。王巡守殷國。

王安石曰。王巡守。則諸侯各朝于方岳。王不巡守。則會諸侯而殷見。或巡守。或殷國。其出而省焉。一也。

臣謹曰。巡守之禮。此乃維持治具。提攝人心。聖人還天下妙處。大抵人心久必易散。政事久必有闕。一次巡守。又提攝整頓一次。此所以新新不已之意。然唐虞五載一巡守。周却十二年方故。蓋周時文治漸成。禮文漸備。所以十二年方舉巡守之事。此是成王知時變識會通處。

臣按呂氏謂舜五載巡守。周十二年巡守。為成王知時變識會通。臣竊以謂在虞時則可五載。在周時則可十二年。在後世罷封建立州郡之時。守令不世官。政令守成憲。雖屢世可也。在今

日時變會通之要所以提攝整頓之者誠能擇
任大臣每五年一次分遣巡行天下如漢唐故
事雖非古典亦故意也

孟子天子適諸侯曰巡狩巡狩者巡所守也諸侯朝
於天子曰述職述職者述所守也無非事者春省耕
而補不足秋省斂而助不給夏諺曰吾王不遊吾何
以休吾王不豫吾何以助一遊一豫為諸侯度今也
不然師行而糧食飢者弗食勞者弗息暗暗昏諛民
乃作慝方命虐民飲食若流流連荒亡為諸侯憂從
流下而忘文謂之流從流上而忘反謂之連從獸無

謂之荒樂酒無厭謂之亡

朱熹曰巡所守巡行諸侯所守之土也述所職陳
其所受之職也皆無有無事而空行者而又春秋
猶行郊野察民之所不足而補助之故夏諺以為
王者一遊一豫皆有恩惠以及民而諸侯皆取法
焉不敢無事慢遊以病其民也

臣按天理人欲同行異情遊豫為諸侯度天理
也流連為諸侯憂人欲也孟子言古之帝王與
今之諸侯其遊豫雖同而其所以遊豫者一則
為諸侯之法一則為諸侯之憂天理人欲之異

也

秦始皇二十七年。巡隴西北地。出鷄頭山。過回中。

臣按有虞之時。五年以巡守。周十有二年。王乃時巡。所以巡方觀民。非為遊樂也。然又必以四岳為底止之地。出必有期。行必有方。未有頻年出行遊蕩如始皇者也。今年巡隴西北地。至回中。明年上鄒嶧。繼是渡淮。浮江至南郡。登之罘。刻碣石門。至雲夢。上會稽。直至沙丘崩而後已。其後漢武。隋煬亦效尤焉。漢武幸而不敗。然海內虛耗所損亦多矣。煬帝南遊。竟死於江都。誠

者謂二君者假望秩省方之說。以濟其流連荒亡之舉。千乘萬騎。無歲不出。遐方下國。無地不到。至於民怨盜起。覆祚殞身。曾不旋踵。雖秦隋所以召亡者。固非一端。然儻非遊蕩無度。則河決魚爛之勢。亦未應如是其促也。

文仲子叔恬曰。舜一歲而巡。五嶽國不廢而民不勞。何也。曰。無他道也。兵衛少而徵求寡也。

臣按時異世殊。上古之時。風氣淳樸。人用未滋。故人君所以奉身用度者。未至於華靡。故其巡行兵衛。可以不備。而徵求不至於過多。後世則

不然雖時君有仁愛之心。恭儉之德。然兵衛少則不足以防姦。徵求寡則不足以備用。不若深居九重。求賢審官。內委任大臣。以帥其屬。外分命大臣。以治其方。則垂拱仰成。不出國門。而天下治矣。以上巡守

以上。王朝之禮中

射術義補卷第四十七

明禮樂

王朝之禮下

儀禮大射之儀。君有命戒射。宰戒百官有事於射者。

射人戒諸公。卿大夫射。司士士射與贊者謂士佐也

執事不前射三日。宰夫戒宰及司馬射入宿視滌。

臣按宰冢宰。夫官治卿也。將有祭祀之事。當射

宰告於君。君乃命之射人。則戒公卿大夫之與

射者。司士則戒士之為贊佐者。前射之三日。宰

夫則戒冢宰與司馬。凡大射。則合其六耦而司

